



KEMENTERIAN PENDIDIKAN
JABATAN PENDIDIKAN NEGERI SARAWAK

MODUL KENYALANG CEMERLANG SPM 2022

**BAHASA
IBAN**

EDISI MURID

PELASAR JAKU

Jabatan Pendidikan Negeri Sarawak (JPNS) endang komited deka ngelatika pemutus peresa SPM.

Nyadi taun 2022 tu taun ti nguji pengajar enggau nembiak ti ngambi peresa SPM lebu Kurikulum Standard Sekolah Menengah (KSSM) ke belabuh dikena kenya ari taun 2017 nganti Kurikulum Bersepadu Sekolah Menengah (KBSM) diatu udah manggai ba tikas pom 5. Berindik ari nya, dia format baru (Baharu) SPM udah diubah seraris enggau DSKP ke baru.

Ketegal penanggul ke enda chukup kereban ke malin bala pengajar, dia Unit Bahasa Iban, Sektor Pembelajaran, Jabatan Pendidikan Sarawak (JPNS) udah nudukka komiti (Task Force) Bahasa Iban dikena napi peresa SPM. Komiti tu udah nyediaka Modul Kenyalang Cemerlang 1.0 SPM Bahasa Iban.

Modul tu disedia awakka tau nyadika malin pengajar, latih ngagai nembiak sereta nyediaka sida napi peresa SPM taun 2022. Modul tu ngundan 2 iti keretas tanya ti mungkur 7 tema dalam DSKP, sedang saut enggau kriteria meri mark.

RIPIH ISI

No.	Topik	Lambar
1.	Pelasar Jaku	i
2.	Rintai Penengkebang Modul	ii
3.	Keretas 1	1 - 3
4.	Keretas 2	4 - 10

RINTAI PENENGKEBANG MODUL

NAMA PENGAJAR	SEKOLAH	MODUL
Daniel anak Embie	SMK (BM) Saratok, PPD Saratok	Modul Keretas 1 & 2
Jit anak Kayan	SMK Luar Bandar Sibu, PPD Sibu	
Kennedy anak Wong	SMK Durin, PPD Sibu	
Peni anak Nyanggai	SMK Sibu Jaya, PPD Sibu	
Chemenda anak Manan	SMK St. Anthony Sarikei, PPD Sarikei	
Caroline anak Mumin	SMK Sungai Paoh, PPD Sarikei	
Sanda anak Seli	SMK Pakan, PPD Julau	
Jexson anak Gaung	SMK Julau No.2, PPD Julau	
Josephine Rinya anak James Nyandang	SMK Nanga Dap, PPD Kanowit	
Clinton anak Genta	SMK Kanowit, PPD Kanowit	
Telma anak Harry	SMK Meradong, PPD Meradong	
Alexaus Dujy anak Ragai	SMK Saratok, PPD Saratok	

PENYELARAS

NAMA PEGAWAI	JABATAN
Puan Mariam anak Sabai	Jabatan Pendidikan Negeri Sarawak

MODUL KENYALANG CEMERLANG SPM TAHUN 2022

BAHASA IBAN

6356/1

Kertas 1

1 $\frac{3}{4}$ jam

1 jam empat puluh lima minit

JANGAN BUKA KERTAS SOALAN INI SEHINGGA DIBERITAHU

- 1 *Kertas soalan ini mengandungi **dua** bahagian, iaitu **Bahagian A** dan **Bahagian B**.*
- 2 *Jawab soalan **Bahagian A** dan satu soalan daripada **Bahagian B**..*
- 3 *Jawapan anda hendaklah ditulis di dalam buku jawapan yang disediakan. Sekiranya buku jawapan tidak cukup, sila dapatkan helaian tambahan daripada pengawas peperiksaan.*
- 4 *Jawapan hendaklah ditulis dalam bahasa Iban.*

Kertas soalan ini mengandungi 3 halaman bercetak dan 1 halaman tidak bercetak

Bagi A : Karang Belalau

[Taga Jam : 35 minit]

[10 mark]

Nuan ti nyadi sekretari siti gerempung pekayan seraris dipinta nyediaka ripot aktiviti gerempung nya.

Tulis ripot nuan belalauka isi di baruh tu. Pemanjai karang nuan antara 150 ngagai 200 leka jaku.



Gerempung pekayan seraris



Bebaris



Ngaga gajet



Napi penusah ngenyit

Bagi B : Karang

[Taga Jam : 1 jam 10 minit]

[30 mark]

Tulis karang pasal siti pekara di baruh tu. Pemanjai karang nuan enda kurang ari 300 leka jaku.

1. Nuan ngambi bagi ba pekit nulis jerpan ti diatur sekula kita. Tema ti dipilih nuan iya nya pengasih ngagai apai indai.

Tulis jerpan nuan nya.

2. Kemaya hari tu pengawa bejual beli barang nengah online majak dikemeranka mensia mayuh.

Pejuraika kebuah pengawa nya majak dikemeranka.

3. Pengamah rampa menua suah nyadi ari pengawa mensia besehari-sehari ngenataika empas negatif.

Beri penemu nuan senentang empas nya.

KERTAS PEPERIKSAAN TAMAT

MODUL KENYALANG CEMERLANG SPM TAHUN 2022

BAHASA IBAN

6356/2

Kertas 2

2 ¹/₄ jam

2 jam lima belas minit

JANGAN BUKA KERTAS SOALAN INI SEHINGGA DIBERITAHU

- 1 *Kertas peperiksaan ini mempunyai empat bahagian: **Bahagian A, Bahagian B, Bahagian C dan Bahagian D.***
- 2 *Jawab **semua** soalan.*
- 3 *Jawapan anda hendaklah ditulis di dalam buku jawapan yang disediakan. Sekiranya buku jawapan tidak cukup, sila dapatkan helaian tambahan daripada pengawas peperiksaan.*
- 4 *Jawapan hendaklah ditulis dalam bahasa Iban.*

Kertas soalan ini mengandungi 8 halaman bercetak dan 0 halaman tidak bercetak

Bagi A
Penemu Sistem Jaku
[Taga Jam : 40 minit]
[20 mark]

1. *Bacha genteran teks di baruh tu enggau silik. Udah nya, **gaga ayat ngena leka jaku bechelak tebal** ba teks nya diken a ngayanka nuan nemu reti leka jaku nya. Nuan enda tau ngubah leka jaku nya sereta ngena leka jaku nya nyadi leka jaku nama tetap tauka jaku sempama.*

Mayuh laman web **ditengkebang** diken a ngenataika penerang ti nyerangkum semua aspek. Kemaya hari tu, semua penerang ulih dilawa kitai enggau mudah **bendar**. Rayat serata dunya tu nyadika laman web **endur** ngenataika pengasai ati diri. Iya ke **pengabis** tebilang nya laman web ti dikumbai blog. Iya nyadika diari alai kitai **nulis** tauka ngerikod pekara ti nyadi dalam pengidup kitai.

[10 mark]

2. a. *Genteran di baruh tu bisi **tiga penyalah guna jaku** enggau **tiga penyalah jaku bukai**. Giga lalu kemetulka leka jaku nya.*

Cuti sekula tu maya ti ditunggu bala nembiak. Maya tu, nembiak enda ibuh ke sekula tang ngenduh ba rumah. Enti maya tu enda diken a enggau manah, dia iya deka tebasau pia aja sereta enda ngenataika penyamai. Nembiak patut ngisi masa tu enggau pengawa ti mai penguntung baka ngiga maklumat ba Internet diken a nambahka penemu diri.

[6 mark]

- b. *Bacha genteran teks di baruh enggau silik. Udah nya kalih **ayat pasif** ti bechelak tebal ngagai **ayat aktif**.*

Projek Pan Borneo endang diterima rayat enggau lantang ati sepengudah **chukup lama didanjika**. Mayuh penguntung ditagaka ulih diasai ka rayat Sabah enggau Sarawak ari projek tu. **Pemansang infrastruktur** tu **digaga perintah besai ngambika tikas pemansang** ba dua menua nya sama enggau menua ba **Semenanjung Malaysia**. Projek tu mega ulih mai ubah gaya idup ngagai rayat.

[4 mark]

Bagi B
Meretika Teks Prosa
[Taga Jam : 45 minit]
[15 mark]

Bacha enggau silik genteran teks tu. Uдах nya, saut semua tanya ti nangkanka nya ngena ayat penuh.

Ini enda nyaut. Penemu uchu mar disaut. Nadai endur nyelit taja ati iya kurang besetuju. Ba anggap iya, mati-mati iya ngumbai pemisa pengaruh nya ti ngasuh sida bulih padi.

“Kemaya hari tu, menua nyau udah penuh diisi mensia,” tampung Sabat. “Tanah nyau kusi ransi. Nya alai, kitai agi bepanggai ba akal lama bumai betaun, mengkang enda teulihka padi chukup empa. Agi mega, peda nuan dih, pemayuh tubuh kitai sebilik. Sedang dia pemayuh padi ulih, tau enda chukup empa datai ke taun.”

Ini mengkang ngemisuka diri. Enda nyaut. Penemu uchu mai betalat. Tang udah peneleba iya, lebuх udah belabuh mantaika penemu, iya enggai bechelebuk. Penemu mesti diruаh beriris ari pun sampai ke ujung. Nya baru penemu nyamai dipendingka orang.

“Diau ba menua ti kusi kemaya hari tu ini, kitai mesti ngidupka diri bemalinka penemu enggau akal baru. Ngena penemu enggau akal baru, orang ulih mali tanah kusi nyadi ami, ngawin kayu buah sepun tau ngeluarka buah empat lima macham,” tampung Sabat.

Ninga Sabat enggai badu-badu bejaku, ati ini bisi berasai *nyida*. Iya nguji nimbal ngena penemu ti diterima iya ari aki ini diri. “Enda mih telabanka Sempulang Gana. Sempulang Gana raja padi. Kuang Kapung raja buah. Dini mensia bisi tau keramat baka bala Petara nya?”

Sabat nanya ini, “Nuan kala meda Sempulang Gana, ini?”

“Meda iya nyengenda enda kala tang aku kala ngambi iya mimpi,” ku ini. Dijapai iya tulang atap ti udah patah lalu dikenа iya nyukir muai telu gerinang ti lekat ba pun tanduk rusa.

“Baka ni gamal Sempulang Gana dipeda nuan, ini? Baka kitai mensia? Sigat baka aku?” ku Sabat.

Ini enda nyaut. Ini merening uchu. Ini nyelengut lalu majakka diri kiruh nyukir teda telu gerinang ti agi mengkang lekat ba selepak tanduk rusa ti meretas.

*[Diambi sereta dibali ari Janang Ensiring:
Entara Dua Pengkalan dalam Miga Kelabu, Klasik Publisher. 1966]*

1. Beri reti leka jaku **nyida** dalam teks. [1 mark]
2. Dini ini betemu enggau Sempulang Gana? [2 mark]
3. Padahka siti ajar manah ti patut diteladan kitai ari teks di atas. [2 mark]
4. Lapa kitai mesti mantaika penemu enggau berurun? [2 mark]
5. Nama kebuah padi sida Sabat enda chukup diempa sida sebilik setaun? [2 mark]
6. Setuju tauka enda nuan enggau penemu ini ti agi arapka pengarap lama ba pengawa bumai? Nama kebuah? [3 mark]
7. Terangka pengelebih bekenaka siti teknologi moden ti dikena ba pengawa betanam betupi kemaya hari tu. [3 mark]

Bagi C
Meretika Leka Main & Sempama

[Taga Jam : 25 minit]

[10 mark]

Bacha enggau silik genteran teks tu. Uдах nya, saut semua tanya ti nangkanka nya.

- Aih... remba seremba,
Nadai enda ngemadas nya tampang regulang tangkai buluh bala,
Sehari tu bedau mih iya lelisa pengelai Nanga Lijan Lija Nunyan meranggang.
Sedini hari sepagi raya nyerumba rauk kukuk manuk banda,
Ruah renti babi menua orang ke ngading ngabang chiping beram ganja, 5
Orang ke nina mansang ngabang.
Enda mudah antu Tuah ada geginyah nepan di kapal perintah Sri Bahagia
Sereta apai Serangkang Kirai aki tuai Sempulang Gana.
- Aih... datai di pendai mangkili ngaring reni raja baya,
Dia lempang tubuh rinda meda teresang sangat rerentang buluh bala, 10
Betungku dua diburai isang.
Niki di gelanyi tangga betampung tiga,
Nunjan diau di jamban tuntun dada.
Datai di pala tangga iya rindang enda lama,
Sua ke pedara piring tiga, muai bejenggai beram beganja. 15
Biau selanjau ijau manuk banda, **gayang selelang babi menua.**
- Aih... tu aku nandai ke menua kita di rumah panjai Merirai rinda,
Uji irika kita ai salinka kita telaga ngambi menumbas iya,
Endur aku ngirahka kita tanduk uting tampung genuling geliga babi menua.
Endur aku mantaika batu pampang seribu pemandang wang pematak raja. 20
Aku ngeriruhka kita pengaruh udu pelayuh-mayuh ubat ke bisa.
Ninga kita asi ngambi kita ila enda merinsa saga nguan menua,
Ku jaku apai raja Petara antu Sempulang Gana.
- Tu aku mantaika batu bisa udu pampang seribu pemandang wang pematak raja, 24
Ngambi kita chelap lindap nguan menua.
Nadai utai ke nadai kita di menua nya ila, tu aku udah nepang kita raja,
Mai kita kaya ngambi kita gayu guru nguan menua, diasuh aku niki ke lelaga,
Ku padah Petara Manang Menjaya,
Aih... bintang nya ila ke panggau bintang. 29

(Diambi sereta dibali ari *Pantun Iban II*, Tun Jugah Foundation 1998)

1. a. Sapa ke enggau Sempulang Gana nepan kapal Sri Bahagia?

[1 mark]

b. Nama kebuah sida ngetu enda lama di pala tangga?

[2 mark]

gayang selelang babi menua

c. Terangka reti rambai jaku di atas.

[2 mark]

d. Kelimpah ari besampi ngagai Petara, padahka chara nuan ulih ngemujurka diri dalam pengidup.

[2 mark]

2a. Tulis sempama ti engkeman dikena nipak penerang ba baruh tu.

Wat Lamba sigat amat maya agi mit tang lebuah iya
udah besai gamal iya jauh amat mali.

[1 mark]

2b. Gaga ayat ngena sempama di baruh tu dikena ngayanka nuan nemu reti sempama nya.

belampung ati

[2 mark]

Bagi D
Kedut Penerang
[Taga jam : 25 minit]
[15 mark]

1. *Bacha enggau silik teks di baruh tu. Uдах nya tulis siti karang kedut pasal **chara nyaga pengerai**. Pemanjai karang kedut nya **enda lebih ari 100 leka jaku**.*

Pengerai tubuh enggau pengerai runding kitai mensia enti enda dijaga enggau manah tau ngeruga gaya idup kitai. Siti chara nyaga pengerai tubuh iya nya makai pemakai setimbang. Pemakai ti setimbang ngundan semua zat ti diguna tubuh kitai. Pemakai ti ngundan vitamin baka sayur enggau buah tau diempa nitihka guna tubuh siku-siku kitai. Pemakai ti ngundan mayuh lemak baka dagin enda tau diempa mayuh. Nya alai, kitai patut ngemeranka diet baka nya.

Kelimpah ari nya, kitai mega patut ngemeranka gaya idup ti regas ngambika ulih nyeliahka diri ari mayuh macham penyakit. Idup ti regas bepun ari pengawa ti ulih mansutka peluh baka belanda, bermain, aerobik tauka sebarang aktiviti bukai. Kelimpah ari ngemanahka tubuh, besenam mega ngasuh kitai nyadi kering, nyaga tungkul ati sereta ulih muai beba runding.

Lebuh kitai mindah, tubuh sereta gari ke dikenai kitai nya kamah. Nya alai, kitai patut nyaga pemeresi tubuh diri ngena sabun maya mandi sereta masu gari ke kamah. Ari nya, kitai ulih nyeliahka diri ari igi penyakit berampit. Kelebih agi maya tu mayuh macham igi penyakit bisi dalam kandang angin kitai baka virus COVID -19.

Penanggul pengerai runding ulih nuntung nembiah sekula, pengereja pengawa, pengaji enggau raban ke bukai. Penanggul tu enti enda diputarka enggau lengkas ba endur gawa ulih pulaika pengerugi, mai pengurang ba senentang penyikar, pemanah sereta asil pengawa ti dikereja. Ambika banding, ngambi bagi dalam aktiviti pekit lumba enggau main ulih nyeliahka penusah tusut runding. Pengerai runding mega patut dijaga dikenai nentuka pengidup bepengerai.

Beperesa pengerai abis kurang sekali setaun nyadi tanggung pengawa diri empu. Ari beperesa pengerai, penyakit ulih ditemu tumu lalu ulih diperubatkan enggau lengkas. Ambika chunto, penyakit tibi enti ditemu tumu lalu diperubatkan enggau jampat ulih disumanka. Tubuh enggau runding ti gerai ulih ngangkatka tikas pemanah pengidup kitai.

KERTAS PEPERIKSAAN TAMAT